

鏤冰詩鈔叙

畿輔詩人惟任邱龐雪厓先生名最著其時漁洋山人以談詩奔走天下主莫不攀附門牆借齒牙餘論惟益都趙節山先生齟齬相爭至今不著一字之說與詩中有人之說斷斷然不相下也雪厓與德州田山薑先生則不相上下亦不相附和故漁洋說部於山薑有微詞於雪厓僅稱其切防美人笑跛者春來不過平原門一二小詩如門戶之見賢者亦不免歎

鏤冰詩鈔

一

顧山薑作叢碧山房集序僅許爲香山劍南之遺殊不甚推重雪厓刊以弁首亦不以爲嫌賢者之所見至今又莫能測也嘗竊論之山薑以雄傑之才上規八代而學問奧博又足以副之故其詩沉博絕麗縱橫一時其視雪厓固猶齊晉之霸視秉禮之弱魯也故不肯折服亦不敢凌鑠姑取其近似者稱之云爾雪厓詩平易近人而法律謹嚴情景融洽故優柔蘊藉往往一唱三嘆有餘不盡得風人言外之旨譬以

白陸白陸未始非正聲也受而不辭殆以是矣雪厓以後北士之續其響者惟景州李露園曹麗天任邱邊隨園李廉衣獻縣戈芥舟寥寥數人惜其遺集皆在存亡間不甚著也余初從同年毛其人家識其外舅易州單公爲人侃侃有直氣而恂恂有儒者風心頗重之初不知其工詩也單公歿後其同里趙象菴執其鏤冰詩鈔屬余刊定將授梓余受而讀之與雪厓詩如出一轍蓋兩家均上溯三唐下薄兩宋務得

鏤冰詩鈔

二

性情之正雪厓則天分稍弱而研練較深單公則揮灑自如而神骨適_上要其合作均可以相視而笑也龐公往矣余不及見無所憾單公則相識三十年竟未知其詩今始知之已不及與談鄉黨之中有是作者乃徒於楮墨之間恬吟密咏慨然想見其爲人是則余之所深歎者若公則蓄寶希聲文章之價自在固不以余之早知與否爲詩品之輕重也

嘉慶庚申六月河間紀昀撰

論詩莫先於書詩言志一語盡之矣經解優柔溫厚詩教也是亦言志也嶧山氏以意逆志則又引伸其義三百篇後自漢魏而六季而三唐而昭代其中以骨勝者風格自高以韻勝者聲調自逸顧亦不離乎志之一語者近是余承乏壽昌嚴故浙名郡而崑居萬山地僻事簡句稽多暇因取古今諸詩集反覆玩味所醉心者尤在孟孟之冲淡自然工部之沉鬱樸老志之所至輒效爲之但匏繫一官諸名勝地非于

鏤冰詩鈔

三

役末由攀陟兼以賦性迂方仕路風波人心熾險無不備嘗瓌洲武林特其甚者故凡足跡所到情景相觸率皆伸手爲詩或近細碎或鄰簡傲而實無無病之呻吟與假借影響之時地也第信口吟哦不復記憶散亂堆積偶爲閱視若非已出會稽董孝廉庶菴與臨兒南北同譜先後師門留易十載論詩甚契乾隆癸巳余出舊作可二千餘首互相商確孝廉顧謂詩勿論工拙故足以知志之所存矧復風格聲調兩

鏤冰詩鈔

艾溪集目錄

易水單鈺著

男道泰編次

孫宗榮校字

新安

述懷

山溪

舟中曉望

官舍

晨起

鏤冰詩鈔

卷一

東風

暮春

西郊

夜歸

發白沙同葉廣文

日暮

舟行卽事

夜行

三衢道中

秋日淳安道中

桐廬舟中夜泛

七里灘口

桐廬阻風

前題

登大石巖

青溪夜泛

鑊冰詩鈔

卷一

夏日嚴州道中

遂安道中

于役過冠山

除夕有懷

上元泊建德

過富陽

再過富陽

鳥有名白頭翁者

過峴嶺

峴山寺

窰岙嶺

雲霞寺訪方芭亭同年

再至雲霞寺晤芭亭同年

宿雲霞寺

題宋公巷

蘭溪僧舍

鏤冰詩鈔

卷一

黃蘭溪同年舟中夜話

蘭溪

贈詹太史卜臣

送倪廣文東歸

題茶屏山寺

登大慈岩

宿天寧寺

憶趙養齋先生二首

得趙養齋先生書

贈徐龍游菲蓼二首

贈沈廣文

宿蓮花寺

四十一初度作

小邑

種菜

庭前雞冠花

鏤冰詩鈔

卷一

久無家信

庭樹

舟中發家書值雪

曉行

雪霽

和方同年芭亭遊大慈岩原韻

泊舟黃鳥村

新晴

園竹

將之任玉環留別壽昌諸子

鏤冰詩鈔

卷一

五

鏤冰詩鈔

艾溪集

易水單鈺著

新安

新安水如鏡澄澈殊可珍伊余宦茲土湖湘秋復春
峭壁罅幽花寒潭躍修鱗桃源去未遠於焉一問津
清涼沁心骨蒼翠盈衣巾緬懷棲遯者悠然遺埃塵

述懷

地偏風俗古官舍儼荆扉日上人初起山昏吏早歸

鏤冰詩鈔

艾溪集

傍花公事了送鳥素琴揮乘興心從遠無勞問是非

山溪

笑憑佳勝愜幽悰峭壁晴嵐落酒筒人有雙清歌杜
老鶴無二頂傲坡公春郊著屐花迎徑秋夜飛觴月
滿空莫道彈丸遊宦薄一溪罨畫萬山中

舟中曉望

晨光引朝曦欵乃橈聲撥推篷騁遠目烟水渺空濶
村落疎若掛山峰淡如抹樵侶稍稍出漁歌微微聒

林桑葉始抽。岸荻穎如脫。一鳥掠人鳴。羣蜂就花掇。
氤氳造化功。鬱勃誰能遏。對此天機清。官愁頓如割。

官舍

千峰圍小邑。人與地同閒。簷際鳥時下。庭陰花自殷。
民淳頗畏法。吏拙省防奸。擾擾紛華念。無勞戰勝刪。

晨起

官閒無事不悠悠。斗帳高眠夢未休。鳥語侵晨喧屋
角。牕光漏日到床頭。春盤欲破呼新釀。冬雪將飛補

鏤冰詩鈔

艾溪集

七二

敝裘自笑蹉跎年四十。放衙豈敢戀黃紬。

東風

東風吹柳雨纖纖。出處何勞問尹占。地僻能教春夢
穩。心清不覺俸錢廉。得魚解菜隨供客。種竹留孫已
護簷。最是冷閒消薄宦。山林城市喜能兼。

暮春

好鳥枝頭嘯。繁花野外明。年華催上巳。農事急春耕。
酒債如山疊。詩懷似水清。浩然天地內。束縛厭浮名。

西郊

肩輿遊覽處。萬象已爭妍。徑緣草花艷。山青雲葉鮮。分秧人坐水。刈麥雉行田。况有披蓑客。歌聲入遠天。

夜歸

看花滯歸騎。攬勝失行程。轉徑思山勢。到橋知水聲。笑牽村犬吠。愧惹野禽驚。列炬勞松火。嚴城已二更。發白沙同葉廣文。

肩輿三十里。迺至白沙岸。鼓棹下高灘。列岫清可玩。

鏤冰詩鈔

艾溪集

十三

沉沉戍鼓鳴。歷歷春星燦。論文得鄭虔。清言纍珠貫。微官殊縛人。相視一笑粲。凌晨候吏喧。束帶羨飛翰。

日暮

日暮陰雲生。風迴遠帆落。鳴禽接翅歸。翻飛更前却。林疎葉漸稀。松老森如削。崔嵬山色蒼。搖蕩波光爍。隔岸聞夕鐘。橫江見孤鶴。念我浮家人。迷津將焉泊。

舟行卽事

雨集溪流急。帆輕客興悠。波平連斷岸。樹偃拂行舟。

近浦魚鰕聚。依叢雁鷺稠。孤村連夕照。一笑泊沙洲。

夜行

遙天入望低。寒月落峰西。徑曲紆盤石。橋橫出斷溪。
望村微見樹。辨晷但聽鷄。笑以浮名累。勞勞昧所棲。

三衢道中

三衢秋色好。林麓倍蕭森。水接閩江澗。霞橫鷺嶺深。
碓舂波似雪。林簇橘如金。聞有仙靈跡。蒼茫未可尋。

秋日淳安道中

鑊冰詩鈔

艾溪集

十四

深山小徑通。曲折昧西東。柏子垂新碧。籬花放晚紅。
長途愁落日。短髮怯秋風。何日明微尚。揮絃送去鴻。

桐廬舟中夜泛

淡月微風夜景清。伊亞江上棹歌聲。推篷又過桐廬
戍。隔岸頻勞問姓名。

七里灘口

繡嶺錦峰瀧口岸。青帘綠樹富春陰。停舟烟際遙相
問。昨夜潮來水淺深。

桐廬阻風

黑雲奔屯大壑靈陽和點逗天如筵不向南牕擁膝
坐破浪却泛輕舟來江水奔騰跳虬虎長年把楫空
徘徊蔓草枯枝忽叫嘯九霄聲徹天閣開向晚羲和
馭始出眼明瞥見山崔嵬仙侶石棋那可得客星雲
閣出蒿萊咄咄子陵胡不仕戴笠同盟漢天子不爲
貢禹慶彈冠獨隱空江釣烟水一雙峭石碧嶙峋數
樹孤松翠撐倚嗟余心力倦登臨凝望推篷獨翹企
非不心慕桐江魚可奈身索長安米終當掉臂辭榮
祿歸卧三間穩如砥

前題

欲凌滄海試春舟江風漠漠江雲愁回風吹水水人
立千樹萬樹爭低頭羣卉喧囂怒欲吼猗松怪柏聲
相酬沙鷗出沒互狎戲驚飛時一逢蛟虬我本北人
非所習咨嗟輾轉生煩憂心驚常覺床席側眼眩瞥
見崗巒浮諒哉世路多嶮巇曠矣天真誰衍游君不

鏤冰詩鈔

艾溪集

五

見衡門叟春韭可剪酒可篋酣歌閉戶心悠悠江間
波浪雖云惡不到藜床竹杖頭
登大石巖
孤巖萬仞白雲齊點點三衢暮靄低歸鳥已巢山下
樹遙看紅日數峰西

青溪夜泛

夜深羣動息欵枕聽灘聲四野雨初足前山月又生
微官安寂寞吾道戒紛營會傍羣鷗宿忘機棹不驚

鏤冰詩鈔

艾溪集

六

夏日嚴州道中

竹樹倩人留炎歊鬱不收渴猿思澗急棲鳥入林幽
脫帽非關酒垂綸懶著裘何繇逃世網高卧百層樓
遂安道中

飄緲屏山紫翠分肩輿衣袂入氤氳穿林鳥語爭殘
照隔岸鐘聲接暮雲密茂松杉如伴客追隨鹿豕欲
同羣撩人無奈江樓笛間倚秋風弄夕曛

于役過冠山

幾回于役曉嵐侵轉角回看掉首吟樹色遠連霄漢
迥鳥聲清接夜猿深孤峰翠擁青螺髻半嶺蒼橫碧
玉簪愧我勤勞虛屐齒十年空負住山心

除夕有懷

庭梅爛熳十分妍爆竹聲喧夜獨然內省可垂餘幾
事漫勞修刺又新年高齋懶寫宜春字短袖粗携買
酒錢况是邇來多老態鏡中霜雪已盈顛

上元泊建德

鏤冰詩鈔

艾溪集

七

雨雪漫漫上日遷倦遊孤宦思茫然兼旬未見春歸
野到耳惟聞浪打船雪壓疎梅欹遠岸風吹弱柳臥
寒烟蹉跎七載投虛牝愧說聞雞祖狄鞭

過富陽

三折江迴散暮潮孤城粉堞壓山腰倚雲石壁緣松
閣近水烟扉隔柳條短舸微風行自穩長吟明月坐
相招沙鷗一片飛如雪羨爾飄然入汶寥

再過富陽

歌枕推篷賦遠遊。櫓聲欸乃狎沙鷗。空濛烟雨輕如葉。又過春江第一樓。

鳥有名白頭翁者

不盡天涯汗漫遊。山川滿目一身浮。忘機却怪林間鳥。何事隨人亦白頭。

過峴嶺

峴嶺插天峻。嗟余復此過。行衝鴻雁陣。坐拂白雲窩。曲磴盤危壑。懸岩捫古蘿。輿丁驚踖踖。相爲戒蹉跎。

鏤冰詩鈔

艾溪集

八

峴山寺

香刹依山眷。歸然閱歲華。枯僧如木石。禪榻埽烟霞。閣迥雲常覆。林深鳥不譁。慙余搜世網。小住悟空花。

窰吞嶺

一髮山巔徑。頻經意若何。身輕出鳥道。衣濕入雲窩。溪水東如帶。烟村小似窠。却欣樵子近。相伴得高歌。

雲霞寺訪方芭亭同年

時芭亭設帳於此

欲覓幽棲處。清猿嘯嶺風。薪傳依奈苑。花宮

妙道歸心性。微言辨異同。誰知方丈地。講學有元公。
再至雲霞寺晤芭亭同年

萬綠深松裏。依稀紺宇明。鶴歸知客到。犬吠引僧迎。
咒鉢風旛靜。烹茶石鼎清。欣茲逢勝友。討古意崢嶸。
宿雲霞寺

古刹空山裏。鐘魚杳靄間。到門松護謁。遶徑菊斑斑。
擲果看猿捷。談經點石頑。伊余倦行役。疲馬息禪關。

題宋公菴

鏤冰詩鈔

艾溪集

九

鹿苑春城外。危樓四望遙。烟含簷際竹。虹飲岸邊橋。
池水空諸相。禪心付半瓢。荒郊愁閨寂。遊屐此招邀。

蘭溪僧舍

寺古僧多異。人來鳥不驚。秋雲天際迥。孤磬夢中清。
持麈揮嵐氣。拈花印道情。頓教諸妄念。擺脫四天輕。

黃蘭溪同年舟中夜話

秋月到山城。論交意氣橫。風塵雙鬢白。心跡一江明。
踈拙還餘我。飛騰應屬卿。何須追往事。得酒且相傾。

蘭溪

浙東都會地。風景正堪恰。岩岫列屏幃。屢居勝管絃。
貨財通處聚。守令選來賢。況是相思處。江花發晚妍。
贈詹太史卜臣

靈光魯殿美歸然。皓首龐眉陸地仙。牘壓三千春夢。
杳學勤七十夜燈燃。倚雲玉樹庭前映。和露蘭芽砌。
下鮮。洛社幾逢知已在。閒商甲乙訂新編。

送倪廣文東歸

鑊冰詩鈔

艾溪集

十

秉鐸於今道漸微。羨君高隱返荆扉。香知泉石應生。
屐翠許雲霞定。染衣契結風塵心。灑落魂銷江樹夢。
芳菲鑑湖約我舟。如葉烟月何方問釣磯。

題茶屏山寺

攝衣鳥道入晴空。俯瞰郊原點點同。邀合碧雲留靜。
室掃除香霧出花宮。空中自灑懸岩雨。夜半常迴幽。
谷風雀舌一甌僧。瀹得旗槍遙憶魯東蒙。

登大慈岩

危磴千盤迥絕塵振衣鳥道躡嶙峋雲峰缺處數椽
古雪乳烹來一鉢春俛仰屐經穿霧雨笑談塵欲落
星辰俗緣到此應刪盡好向南能細問津

宿天寧寺

融融慧日綠陰輕又過祇園禮磬聲結社幾人追靖
節聯詩何處識彌明風清戒室塵心淨月朗空庭覺
性生愧我頻來叅半偈猶牽世網戀浮名

憶趙養齋先生

鑊冰詩鈔

艾溪集

十一

宦海風波濶相思共惘然一官餘白髮重聽罷朱絃
越水難通易吳山豈接燕遙遙南渡雁頻望尺書傳
音信隔年斷愁懷輾轉疑同袍今幾在吾黨更誰期
雞肋官成贅羊腸路轉危百年慙未半雙鬢已成絲
得養齋先生書

離情盈浙水失喜得雙魚三載屋梁月一行燈下書
林花薰講席綵服戲庭除榮瘁渾閒事同憐雪鬢疎

贈徐龍游菲蓼

別君暮春日把秧又秋聲傲骨菊還瘦高談水轉清
孤燈依客館夜雨共鄉情直道元難合昂藏任此生
眞見南徐好風流媿不如案前無滯牘堂上有懸魚
別恨三春月交情一札書明朝又分袂相對意躊躇

贈沈廣文

楊子元亭此尚留蘇湖遺鐸羨重休一籬自放陶潛
菊八咏爭傳沈約樓世仰清風餘苜蓿尊携春釀聽
釣輞自慙七載山城客空慕侯芭效唱酬

鏤冰詩鈔

艾溪集

三

宿蓮花寺

雲烟縹緲野人家中有香臺集暮鴉衲子自持三藏
偈勞人獨對一池花堦前草色侵獅座鼎裏濤聲試
雀茶却笑俗緣刪未斷鯨鍾纔罷又塵沙

四十一初度作

寥落山城甘息機頽然敬枕卧清時琴因太古常留
壁吟薄元和嬾就師靜裏溪山開醉眼閒中花鳥繫
幽思無端又值懸弧日且盡年華酒一卮

小邑

小邑千山吏隱兼，每邀雲月到風簷。堦前草細香生屐，堂下花深色入簾。自媿才華輸謝眺，却餘疎放慕陶潛。竹床清興憑茶竈，頻煮溪流不礙廉。

種菜

瘦骨由來稱腐儒，枯腸祇合飽寒蔬。詎諧欲割東方肉，貧乏從歌上客魚。春雨供盤斲笠剪，秋風植杖撥雲鋤。未歸陶令園，仍涉矯首南山興有餘。

鏤冰詩鈔

艾溪集

三

庭前鷄冠花

亭亭結伴擁高冠，密葉扶疎似羽翰。豈有元談棲牖下，却無勝氣鬪闌干。昂藏獨對秋風老，爛熳還隨夜月寒。灌溉祇今同叅養，年來人作祝翁看。

久無家信

漠漠垂楊噪晚鴉，愁聽禁火又天涯。親知雁信蛇盤驛，故舊魚書馬馱沙。長路塵埃堆雪鬢，三春風雨怨梨花。何緣摧却愁城墮，欲倩奇兵問酒家。

庭樹

庭樹陰濃晝漏長。公餘解帶意徜徉。雲將山色侵書
幌。風動花枝拂印床。地僻頗多泉石趣。春深笑看蝶
蜂忙。奚童滿貯新詩句。廊廟江湖付兩忘。

舟中發家書值雪

薄宦離家久。扁舟憶舊居。空江連夜雪。孤燭數行書。
老景惟衰病。官聲但拙疎。寒侵不成寐。把酒自躊躇。

曉行

鏤冰詩鈔

艾溪集

十四

曉出城南門。霜橋跡未踐。畏此王事牽。凌晨補日短。
寒烟遠岸浮。水落石梁淺。積雪八九峰。皚皚若在眼。
林麓何縈紆。川涂悵修緬。官程敢辭瘁。從夫雙足繭。
羨彼嶺頭雲。隨風自舒卷。

雪霽

熹微曉色雪初晴。料峭風吹入戶清。懸溜注看知絮
盡。冷香浮覺似梅生。官同彭澤狂猶在。才愧劉叉咏
未成。散策衝泥還極目。白眉如畫遠山橫。

和方同年芭亭遊大慈岩原韻

佛廬凌空翠雲烟結異想岩竇迸鳴泉猿猱嘯朝爽
駐足每徘徊矯首時慨慷歸來自斫竹擬削蒼龍杖
尋幽恣探討問勝窮軒敞宴坐碧蘚床酣卧雲母幌
俗塵爲之滌胸臆一以盪奈何羈粗官遙情徒惆恍
風月慳清緣雲霞負孤賞展轉讀新詩意氣空道上
泊舟黃鳥村

誰道飛鳥吏是仙每逢佳節倍淒然分明三五千

鏤冰詩鈔

艾溪集

五

夜黃鳥村中自泊船

新晴

雨過山仍碧雲開天更明新花敲徑發候鳥逐枝鳴
惆悵緣春暮招尋愛晚晴還欣牆外竹犢角迸堦生

園竹

蕭蕭數竿竹蒼翠漸成林鳳尾風前颭貓頭雨後尋
清陰縈曲檻幽韻入孤琴對此舒懷抱悠然共嘯吟
將之任玉環留別壽昌諸子

捧檄來山城美錦聊學製湖洄從嚴灘烟水綠無際
邑號古新昌林麓互虧蔽民俗尚樸淳爭訟類纖細
自慙樗櫟材蕭閒宜散地揮弦安敢希戴星不辭勩
吳敖昔所戒寬猛期互濟鞅掌七載餘催科兼撫字
吏民安余拙督責可勿事分應書下考猥乃登優異
砥礪混璠璣駑鈍附騏驥人意慶遷除撫懷實自愧
古人重去思甘棠歌麥憩桐鄉畏壘風平生切遐企
伊余無善政墨綬祇充位旣乏五袴謠復鮮兩歧瑞

雙冰詩鈔

艾溪集

十六

冰兢差自信童叟或無罣久羈忽量移欲去轉難棄
勿謂地清貧衣食已麤備勿謂風冥頑教誨祛疑貳
依戀見輿情祖餞存古誼艾水與松山回首悵迢遞
賦詩愴別懷疇能矜攬轡

鏤冰詩鈔

環洲前集目錄

之任玉環過楚門度

初至玉環

署齋卽事二首

登玉環城樓五首

鐵輪歌

登臨八首

鏤冰詩鈔

卷二

玉環雜咏十首

紫陽觀石峰

過百步溪

過陸橋

渡三江口

十四夜宿嶧縣舟中

元夕舟中

旅寓村舍

嵩橋大雪

山陰道中值雪

遊石門洞

遊仙人洞

再遊仙人洞

仙人洞觀瀑布二首

山家小憩

樂清道中

鑿冰詩鈔

卷二

臨海登岸晚眺

過隘頑關抵太平

石坂路

桃花嶺

宿菱青

過太平

太平道中

新昌嶺

過天台

天台道中

登巾峰

田畧

過楚門渡

自温州抵杭再過嚴灘

桐江行

温州舟中

鏤冰詩鈔

卷二

芳杜村

抵温州過管頭村

過跌不斷山

東青嶺

晚泊岐頭

宿慧濟寺

曉發台州一首

發剡谿

過奉化

舟泊台州

過天姥山

永康道中

初春喜雨

勸農

得雨

種菜二首

鑊冰詩鈔

卷二

四

過項王廟見舊作未愜鄙意因賦二首

院中梅花綠紅二株

丁卯冬將以計滿北上時庭梅盛開

玉環竹枝詞十二首

鏤冰詩鈔

環洲集前

易水單鈺著

之任玉環過楚門渡

言從章安郡問渡楚門津到嶺遙窺海沿途少遇人
山谿猶界越風俗半通閩岩畔孤城迥雲烟自結鄰

初至玉環

七年巖瀨度再命向滄溟欲覓養魚術兼尋相鶴經
開簾御月得倚杖海雲停地僻稀公事殘編伴夜燈

鏤冰詩鈔

環洲集前

署齋卽事

斬棘披荆鳥道分昔人開闢幾辛勤沿洄漁艇論潮
水烟火人家共島雲興逸瀛洲頻入夢機忘麋鹿欲
爲羣微吟敲杖堪呼月其奈蠻歌不可聞

豈有文章高海外居然漂泊到天涯幽懷午夜窺山
月竒蹟丁年憶海槎丹桂一株新綴子紅蕉十月尚
開花獨憐雁字排空影斷續風中陣半斜

登玉環城樓

獨立危樓上。憑欄覽大荒。蓬瀛何處所。雲水一蒼茫。
海赤騰初日。沙明覆曉霜。何當生羽翼。萬里任翱翔。
極目滄波濶。孤城山四圍。驪洋番舶渡。雁宕海僧歸。
屋縛黃芽暖。田浮白水肥。與來成短咏。莫笑和人稀。
巨浪開洲島。連山映郭門。封疆稱要地。屢市抵荒邨。
鄉思隨征雁。元言憶化鯤。空懷千載意。寂寞與誰論。
周迴盤水石。蕭散住人家。十月收塘稻。三冬足地瓜。
風來翔雁雀。潮退富魚鰕。漁唱斜陽近。遙天抹晚霞。

鑊冰詩鈔

環洲集前

二

莫言窮海地。景物亦依依。晚稻流匙滑。春魚就餌肥。
鉦鳴舫客集。帆落釣船歸。更喜登高望。孤鷺一鶴飛。

鐵輪歌

風饕雨雪鏽古鐵。土蝕苔花赤如血。腹背穹窿圭角
彰。依稀題識字漫滅。輪囷離竒鬱怪光。守以鬼神靈
窮荒。從來海溼境孤寂。亦有重物誇竒傑。或云此製
出文公鎮壓蛟螭驅妖孽。摩挲老眼看周遭。先喆羨
墻應不遙。但慙固陋見聞寡。遺文散佚徒紛呶。

登臨

登臨携短杖縱目意悠然山外更無地洲中別有天
團蕉依浦舍片葉泛洋船聞道蓬萊近何人會學仙
波間開罽島山畔倚孤城疊坦分鹽竈論更記水程
輸倉芒稻穀欵客跳魚羹縛竹編茅處雲烟戶牖生
半嶺餘殘堞春潮逼戍樓沙平漁估集岸曲海帆收
倚杖人登石張篷客在舟重熙昭

聖治波浪靜無憂

鏤冰詩鈔

環洲集前

三

半畝鋤爲宅三家聚作村寒廬覆葦葉爨具扶松根
鰕螯羅沙市烟嵐擁竹門居民慣漁釣結伴探潮痕
農家多韻事插竹作籬扉日上聽禽語山昏待客歸
乘風黃犢犍帶露晚菘肥卽此饒幽興何須羨紫衣

山家呼備
作人爲客

迢遞中原盡蒼茫碧海鄰屢居多雁戶舟楫半鮫人
社鼓迎山鬼蠻歌賽水神蟲魚驚異狀饕餮畏沾唇
江岸彈塗躍林間布穀鳴

盛朝無棄土海外有深耕養淡塘
渟水淋灰竈趁晴何當
文治被仰聽誦絃聲

弱宋稱前代年深賸廢基
猶傳南北監尚咏十朋詩
水樂喧林薄輪盤倚路岐
憑高更懷古惆悵鬢添絲

玉環雜咏

遺簪墜珥海波寒
慚愧君王避敵難
莫以玉妃名誤
地繇來古驛號車盤

數間茅屋接平疇
官廨蒼涼半倚邱
一望遙空排齒

鏤冰詩鈔

環洲集前

四

齒女牆高挂碧山頭

開成小浦種青蓮
架竹誅茅傍浦邊
子結初秋連估
舸不須新穀辦租錢

倉皇拋却泛湖船
零落珠襦島嶼間
總然覓得于闐
玉不及楊家二勝環

錦屏峰下散金鈿
流水遙分上下川
聞道琴山平似
几何人爲叩月中絃

數峰高插玉雕鏤
下繞長河似硯泉
揮洒好憑天作

紙要安綵筆大如椽

白畫森陰山幾灣。野烟流水草花斑。頻邀青眼擡頭望。石筍高寒碧落間。

寒天歸雁叫秋風。帝女銀河織杼工。五色裁成天帝袞。拋將刀尺蠹雙峰。

劫火餘灰丈六身。雲縈月照鎮生春。海天好把迷津喚。隻手招邀渡幾人。

稻子青青豆葉肥。竹林深處掩柴扉。憐余何事匆匆

鏤冰詩鈔

環洲集前

五

過細雨斜風暮未歸

紫陽觀石峰

數唐人折腰體

真見羣峰似化蓮。瑰奇更復帶清妍。補天餘處媧皇煉。渡海遺來秦帝鞭。風前龍虎爭騰攫。月下星辰共次躔。夜半高空聞鶴唳。定邀仙馭駐飛烟。

過百步溪

路向天台山四圍。屈盤石磴入雲微。林猿採果跳枝過。江鷺啣魚貼水飛。蒸去曉霞迷洞口。滴來晚翠濕

春衣杳然乘興忘機事。欲覓仙靈叩石扉。

過陸橋

昨宵泛月數春嬉。又向山行聽曉鷗。酒肆大都鰕作菜。人家一半竹爲籬。相逢叫噪爭蠻舌。到處妖燒巧畫眉。却羨前賢遺愛在。赤欄橋下有刊碑。

水雲渡三江口

到處喧闐簫鼓聲。買舟今日喜初晴。雪餘山似水。紈潔風靜江如鏡。面清閒把陳編。還對酒小留佳樹更。

鏤冰詩鈔

環洲集前

六

聽鶯狂歌一曲容。吾懶好與春新飾太平。

十四夜宿嵯縣舟中

冰雪餘寒尚未消。歲華冉冉過春宵。不知華屋燈偎坐。何似清江月泛瓢。修竹敲風如耳語。老梅臥水宛心招。絲來好景隨人賞。長嘯天空氣轉驕。

元夕舟中

蕩漾春江愛晚晴。江邊籬落野梅橫。斜陽潮退漁舟集。遠市聲喧社鼓鳴。酒對溪山無點俗。詩題風月有

餘清滿城燈火魚龍戲何似推蓬鏡裏行

旅寓村舍

消寒慰眼是青帘且共山農坐草簷一樹繁花遮屋
角幾堆殘雪點峰尖登盤探露雖無菲聽鳥携樽尚
有柑沉醉不須憂路黑新晴好月已纖纖

嵩橋大雪

嵩峰路轉越山開蠶市春風入夢猜萬蓋晶毬當晝
墜一天玉屑洒空來長吟有客寒衝去短舸何人興

樓冰詩鈔

環洲集前

七

盡回白鷺沙汀如舊約好邀梅蕊共啣盃

山陰道中值雪

名勝山陰道真成冒雪來千峰寒玉削十里曉梅開
鶴瘦依松頂鷗輕戀水隈垂綸如有客簑笠共啣盃

遊石門洞

敲杖訪名跡撥雲遵山趾招邀石門開壁立雙扉起
薜磴破岩扃苔徑披荆杞偉哉郁離翁蠖蟠此棲止
龍虎一吟嘯生民拯城圯游覽生慨慷放浪滌凡鄙

山穹瀑布出神劔拔空倚噴薄幻形容詭變難舉似
日暮尋舊蹊迴首烟光紫精廬如可結誅茅自茲始
遊仙人洞

寒日下平楚信馬出西郊曲徑入蒙密荒藤開纏交
怪石兕虎蹲修篁雜管茆船亭繫溪岸霧閣壓山坳
懸瀑噴飛雪急溜舞長蛟曲澗自縈帶連山相裹包
幽禽叫林麓清韻入絃匏傳聞古昔時仙靈此棲巢
孤雲招黃鶴朔風盤青骹三山集遊侶六甲行厨庖
何當歎陳迹寂寞餘山椒空使千載後吟咏生推敲
歸途蹋新月涼飈吹蕭蕭

再遊仙人洞

窈窕標仙踪招邀過蕭寺開闢幾何年林壑饒古意
水樂奏岩扃芝蒲茂莎地青閣入孤靄峰迴繞嵐翠
蕭騷竹萬个長松倚相媚邑乘雖矜張曠懷足高寄
夕鳥逗測心飛雲托宦思佳遊無前期興劇榼壺至

仙人洞觀瀑布

鏤冰詩鈔

環洲集前

八

載得烟霞一路幽，漫將仙蹟詫同遊。却欣三月桃花水，也有雙峰竹箭流。洗耳偏宜催泛蟻，敲詩豈許駐鳴騶。遙憐界破青山色，巧句何緣誚鳳洲。

誰引廬山別派來，遙天驚看水簾開。寒疑夏日霏霏雪，聲徹空岩隱隱雷。匹練隨風吹不斷，千絲挂雨散成堆。何緣移置喧囂裏，一洗征途萬丈埃。

山家小憩

肩輿偶爾憩山家，小徑疎林野興奢。當戶潺湲春澗

鏤冰詩鈔

環洲集前

九

水傍簷錯落，夕陽花間尋藥草。還和酒遠汲甘泉，待煮茶更聽老農年。七十未曾雙足到官衙。

樂清道中

天遙南戒外，雲壓四天低。怪石紆行徑，危橋鎖斷溪。濁醪荒店酒殘，月遠村雞可樂非。官况歸山守故蹊。

臨海登岸晚眺

迴浦停遊棹，登臨意洒然。三江引潮汝，萬壑闕風烟。莫覓戶曹畫，誰叅宗泐禪。浮門漫憑弔，漁唱起前川。

過隘頑關抵太平

驅車過隘頑嶺幾躋攀遙望夫人石臨風裊珮環
仙田隱方巘靈雨起雷山小憇沽村釀籬東就菊斑
石坂路

碌碌何爲者終朝水石間雨絲斜灑徑雲氣半遮山
客館酒多薄石巖花自斑羨他驅犢叟十畝意閒閒
桃花嶺

何處桃花洞尋幽客意慵遙瞻分衆壑高眺聚羣峰

鑊冰詩鈔

環洲集前

十

鳥道盤空入人家積霽封却金有遺館千載仰高踪

宿菱青

見說桃花嶺幽竒別有天人烟青嶂裏驛路海雲邊
萬壑流還汎羣峰斷復連千秋遺館在駐馬問前賢

過太平

微官滯荒島客路繞孤城渡水看魚避穿林聽鳥鳴
烟生村落晚日上海波明矯首三山近空含世外情

太平道中

東南行欲盡，吟眺望中分。
矮屋全依竹，危峰半入雲。
風清翔海鶴，日暮起雷蚊。
空濶遙瞻處，烟凝作紫氛。

新昌嶺

石磴白雲封，肩輿踏幾重。
人家依半嶺，客路轉高峰。
寒月依村近，歸禽向晚慵。
間官容笑傲，時復倚孤松。

過天台

聞說天台縣，仙源洞府多。
赤城含曉日，華頂接明河。
家有烟嵐積，人疑劉阮過。
何當結茅屋，長此住岩阿。

鏤冰詩鈔

環洲集前

七

天台道中

千峰互起伏，曲徑幾低迷。
茅屋依紅樹，芋田繞綠溪。
登高窺海日，向夜聽天雞。
晨肇如相約，胡麻飯可携。

登巾峰

登眺入雲平，風烟萬壑生。
周遭江水濶，突兀塔燈明。
削拔憑神力，崎嶇感客情。
誰尋司戶醉，盤礴寫孤清。

田寮

伊誰始卜築，終日任氤氲。
結宇分山翠，炊烟雜島雲。

盤迴縈鳥道孤寂渺人羣自愧青衫客微吟倚夕曛
過楚門渡

問渡仙源近停舟野興清竹竿輕駕屋石壁險爲城
村犬靜無吠潮魚鳴有聲機心欣已息鷗鳥不吾驚
自温州抵杭再過嚴灘

嚴灘再弭棹景物憶前遊峰影圍官舍溪光上郡樓
片帆瀧口月紅樹釣臺秋愧我風塵客重來增旅愁
桐江行

鑊冰詩鈔

環洲集前

三

桐君山色翠如洗桐江之水清見底幽岩邃壑錯難
名羅刹狂瀾到此止此間傳有餐霞翁童顏鶴髮雙
方瞳紫芝瑤草拾筠籠問渠姓氏指孤桐桐君惆悵
去不還青螺霧擁何娟娟藥鑪丹竈那可覓祇餘水
石爭潺湲溯洄瞥見雙臺峙道是羊裘垂釣處萬古
風高老客星來者翛然掃塵慮慚余薄宦頻經此艤
棹荒村荐蘋芷一江烟水空茫茫高隱真仙呼不起
何當揮手謝浮雲茆屋三間俯清泚鴻飛冥冥誠良

圖胡爲坐待車生耳
溫州舟中

溟海蛟鼉浪拍天
扁舟欲渡凌蒼烟
江花岸柳盡無賴
天公玉戲爭鮮妍
鳧翁三五互出没
寒鴉八九飛欲歇
推篷擁膝發唱高
詩成短髮愁刁騷
茫茫迷途去莫問
前村夜泊沽新醞
回首萍踪已十春
往來猶滯甌東郡

芳杜村

環洲集前

鏤冰詩鈔

三

肩輿緣鳥道
落日孤村野火燒
田黑寒潮拍岸渾
愁來還獨酌
吟就向誰論
何處尋香草
離騷拾舊痕
抵溫州過管頭村

轉側依山勢迴環
傍水濱烟暝歸鳥隱
路險老罷蹲
野戍翻旗凍
荒村帶雪貧
日高途馬滑
愁殺宦遊人

過跌不斷山

峰名跌不斷
迴合碧波間
海外無凡境
天邊有異山
雲生沙岸濕
潮退石苔斑
命酒推篷坐
羈愁暫此刪

東青嶺

時出東青嶺烟霞引興長孤村依苦竹矮屋對寒塘
得句題蕉葉看雲坐石床欣無俗客到疎懶任清狂
晚泊岐頭

潮轉迴風急孤帆泊小舟斗星橫榻上眉月落峰頭
浮世愁荆棘勞生愧馬牛夜深發長嘯遮莫起沙鷗
宿慧濟寺

定知明日熱又見夜星繁客飽官場苦僧誇佛教尊

鏤冰詩鈔

環洲集前

古

懸燈傳丈室疊鼓報黃昏寧不甘禪悅難酬

聖主恩

曉發台州

峩峩疊嶂水湯湯窈窕迴環石徑長最是宜人秋色
好滿川紅樹照斜陽

峰巒匝匝水潺湲雲磴盤紆松竹間自幸宦遊多勝
槩一肩重過畫圖山

發剡谿

買得剡谿一葉舟，朔風吹樹聲飈飈。淡山川變容
色，蒼茫天地寒。雲愁柁師鼓棹驚濤，開主人頗喜無
氛埃。林枝羣噪暮鴉集，嘹唳寒空旅鴈來。濁酒深林
戀雞肋，磊塊胸中澆不得。何當雲霧洗天河，邀將朗
月照澄波。

過奉化

終日馳驅杳靄間，羨他茆屋碧溪灣。如琴水韻彈奎
洞似蓋雲團起，詰山籬竹窺人黃豹吠。渚沙傲客白
鷗閒，何當便結林泉約。高卧長吟共掩關。

鏤冰詩鈔

環洲集前

五

舟泊台州

初春又買下江船，料峭風寒意渺然。喜有梅開能欸
客，欣逢月好不需錢。山城戍鼓迴幽夢，尊酒詩歌憶
往年。聞道鄭虔曾此醉，草堂佳句至今傳。

過天姥山

山傳天姥景冬奇，夢裏青鸞駕紫霓。華頂朝登窺海
日，石梁夜渡聽天雞。行依猿鶴千峰轉，坐看星辰四

野低長嘯自慚燕地客吟成佛石掃雲題

永康道中

著屐登臨興未慵
阮公何必泣途窮
林松濃帶千絲碧
岸柏青含一葉紅
欲去更留清鏡水
無言忽到故人風
茆簷月上長侵榻
買醉歌成萬慮空

初春喜雨

幾度憑欄興未闌
擬從簷溜聽潺湲
初欣似乳滴中野
漸訝如塵遮遠山
深院沉沉雙燕掠
清池泛泛一

鏤冰詩鈔

環洲集前

去

鷗閒焚香淪茗還題句
薄暮寒生早閉關

勸農

半尺新秧未沒鴉
千畦白水正需車
農能食九方稱上糧
可餘三望豈奢藝
豆傍山須待雨種瓜
近郭不妨沙
莫欣半刺車輿好
饑溺愁牽詎有涯

得雨

積日林巒拜禱遙
阿香少女喜招邀
豈緣馬鬣滴豪客
已向龜田蘇病苗
野圃和泥重透甲
新蒲展綠乍

舒腰從茲重整登臨興。吩咐詩囊與酒瓢。

種菜

閒來種植課園丁。子母根株部署明。自笑雞豚非念慮。祇憐葵藿是平生。光添雨葉繁雲細。香起風花帶露清。未學老農先學圃。故園他日好歸耕。

白笑虎頭無異相。也知鴨脚有前緣。分畦布種須宜土。擁糞培根更引泉。豈爲英雄消歲月。且從園圃曠雲烟。能知此味惟吾輩。肉食何須詫萬錢。

鏤冰詩鈔

環洲集前

七

過項王廟見舊作未愜鄙意因賦

拔山蓋世已成空。賸有村翁伏臘同。自是驅除爲隆準。漫教評騭到重瞳。鴻溝戰苦分疆後。鉅鹿功垂首事。中一曲虞兮恨無限。至今江岸有悲風。
蕭蕭落日照丹楹。風雨如聞叱咤聲。鐵馬有靈歸鉅野。雲旗無面返彭城。聲喧祠外鴉頻噪。陣闐牆根蟻自爭。莫漫傷心悲往事。漢家原廟亦榛荆。

院中梅花綠紅二株

瓊台仙子誰能招飄然飛下華堂
人間脂粉都潛銷雪霜域外風
格高一株矯矯欲干霄冰肌玉
質佩瓊瑤珊瑚骨節饒風騷萼
綠華來擁翠翹漢家飛燕空輕
佻一株幻作天桃嬌玉妃醉面
生微潮浮羅明月朱顏騎貞心
亮節不可挑單子年來百無遭
青衫華髮心勞切何幸窮荒侶
二喬臨風索笑傾濁醪霧鬢斜
簪意象豪世間萬事輕鴻毛君
不見孤山處士成久要論心對
月窮昏朝花今猶在人
不遙清風千

鏤冰詩鈔

環洲集前

六

古同昭昭

丁卯冬將以計滿北上時庭梅盛開放飲其下
併成長句以誌別懷

同雲漠漠壓郊寒催促梅花客裏攀
月下斜還分瘦影風前笑欲慰衰顏
情當繾綣深杯共詩畏浮華麗句刪
春色憑君管領後任他桃李闌斑斕

上環竹枝詞

生涯一半傍潺湲養淡新開種蛤田
泊岸蒲帆飛似

箭鯉魚風送打秋船

海邊風雨日瀟瀟兒女團團破寂寥新網織成千尺

澗筠籠携伴采花蕭

潮回岸岸擁虛沙細逕盤紆日欲斜乍喜春寒香似

蕙小園吹破水仙花

畸田十畝穫千廂換米漁船傍夕陽蓮嶼大陳多晚

稻炊成軟飯滑匙香

漁家牒子鷺鷥灣箬笠棕篲水石間聞道今年春汛

鏤冰詩鈔

環洲集前

九

早相邀齊泊馬鞍山

縱橫千畝漸成町片片僧衣挂野汀穉稔秋風搖淺

碧近來新種洛陽青

連延縹緲水雲間路出乾江更幾灣欲問燈臺洋遠

近可知相傍火山

腹縮頭藏目在腰足長三尺帶飄飄乍乘泥馬啣塗

去戴月兒童捉望潮

相啣首尾碧波間餌繫長繩傍遠山收得竹筒一百

二釣船新釣鱗魚還

闢土畚田種地瓜。長莖密葉碧交加。秋來掘得街頭賣。紅比珊瑚白象牙。

梅子垂垂小麥黃。連綿陰雨菌生牆。涼風蕭颯端陽近。更著棉衣插晚秧。
一髮青蒼海外山。幾經流水護松關。遙看峰髻濃如畫。好向津頭問玉環。

鏤冰詩鈔

環洲集前

三

鏤冰詩鈔

朝天集目錄

北歸

卽事

計滿途次有感

贈王叅府漢英

旅次黃巖

途次感懷

鏤冰詩鈔

卷三

嘉興道中

過姑蘇

自姑蘇曉發許墅關

過常州莊書石同年邀飲

慧山觀泉歸舟

過金山寺四首

濟寧舟中

兼喜

將至趙北口

山家

九日二首

秋日同王尚卿遊居士村釋迦寺

贈張顯威

劉學博過訪

寄雨蒼四表兄

己巳人日易州作

鏤冰詩鈔

卷三

上元道中

王家庄曉發

曉行口號

臺兒庄登舟

舟中

入江南界口占

重來

鏤冰詩鈔

朝天集

北歸

易水單鉞著

放舟初解纜

王命促行程望眼隨雲遠歸心與鳥爭莫愁添老鬢且喜
展先塋定擬朝

天後椒花醉玉觥

卽事

鏤冰詩鈔

朝天集

長年苦匏繫攬勝借

王程芳草迷吳苑春溪繞越城紅粧橋畔影黃鳥竹間聲
暫此留青眼無勞問姓名

年來宦海感蹉跎計滿朝

天自放歌長坂敢誇行步好清吟一任掉頭多春生原野

還羨柳雨漲池塘自浴鷺碌碌風塵何足問笑看旭

豔水日照澄波

贈王叅府漢英

天涯倦羽漫羈留，春色同君擬共收。
司馬官階原冗長，瑯琊父子總風流。
尊前說劍神偏王，月下吟詩病欲瘳。
試會主人投轄意，不知何處起鄉愁。

旅次黃巖

歸心浩渺鳥離筵，愛無端羈海涯。

時子女俱出痘，主朱叅府鎮侯。

家冗長敢言同白傅，居停且喜借朱家。
春和曉霧迷芳甸，地迥遙天絢晚霞。
贏得尊前開口笑，一時桃李

鏤冰詩鈔

朝天集

二

盡含葩

途次感懷

畫角動孤城，篷窗夢未成。
雞聲啼曉月，人語起殘更。
偃蹇吟餘態，飛揚醉後情。
何由舒素抱，原野事春耕。

嘉興道中

九十春光去似馳，蠶眠燕乳已多時。
看雲初夏竒峰出，望

闕中宵好夢遲。盪槩小舟催買酒，推篷圓月待題詩。
計

年十載經行地。依舊鶯花笑客癡。

過姑蘇

霸跡于今半已湮。我來何處問前塵。吹簫市早迷陳迹。泛月船猶載美人。興廢千年空片石。往來終日閱通津。寒山古寺鐘聲吼。夜雨模糊聽未真。

自姑蘇曉發許墅關

解攬南濠水氣腥。眼明瀟灑見郊坰。河因市近難澄綠。山爲雲開早放青。麥隴風輕翻翠浪。船牕月皎照

鏤冰詩鈔

朝天集

三

疎櫺還欣到處皆。寬政夜過關津醉未醒。

過常州莊書石同年邀飲

愧我迂疎乏片長。感君拂拭共徜徉。名園窈窕容深入。法酒清醇許細嘗。不共雨雲悲世事。祇同金石憶行藏。多愁還爲蒼生起。誰道江湖異廟廊。

慧山觀泉歸舟

落落孤踪任宿緣。況逢嘉勝又前川。偶然問法尋名剎。漫爾吟詩到慧泉。釀就幾人誇杜老。烹來何處傲

蘇仙歸舟笑向家人說。新買磁甕貯月還。

過金山寺

扁舟凝望仰崔巍。浮玉危磯水四圍。樓閣翻從江浪轉。梵音常共海濤飛。帆吹吳楚當空見。塔湧鼉鼉抱影微。欲展曠懷凌絕頂。振衣長嘯竟忘歸。

幾回悵望擬躋攀。波浪翻愁去舸艱。爭說茶烹江內水。真看花發浪中山。談經客有乖龍聽。乞食僧同馴鴿還。安得脫離塵世縛。誅茅高頂俯潺湲。

鏤冰詩鈔

朝天集

四

年來筋力怯遨遊。放眼名藍暫滯留。佛火近看通鐵甕。鯨鐘遙聽到瓜州。九江雲氣疑浮蜃。三楚帆檣似泛鷗。却憶家山何日近。烟波凝望迥含愁。

宮觀瓊瓏水作垣。凌虛四望若高竈。橫衝浪脚山無蒂。獨踞江心寺有根。幾客褰裳窺海口。更誰解帶鎮雲門。敢言絕唱爭張祐。一曲歌成且一尊。

濟寧舟中

滅燭棹明月。征衣覺夜寒。身猶羈濟水。夢已到長安。

露重沾豐草。舟遲挽急灘。徘徊形影裏。誰與結清歡。
兼喜

瞻雲兼喜過柴扉。恨不乘風逐鳥飛。渡水乍欣鄉樹
見。逢人尚恨土音稀。江花照岸朝含笑。岩月行空夕
啟暉。未識故山猿與鶴。幾回青眼待將歸。

將至趙北口

落日孤村夕靄微。宦遊人倦咏將歸。踪如過客常懷
舊。心似寒灰已息機。湖裏鷺飛疑浪捲。樹頭蚊聚似
烟飛。官場傀儡真成戲。好覓雷溪舊釣磯。

鏤冰詩鈔

朝天集

五

山家

倦遊竊喜返山家。隱几蕭疎烏帽斜。心曠小窗真得
月。眼明叢菊正開花。行行翠嶂堪携酒。往往名泉待
煮茶。乘興自吟還自笑。腸枯索句手頻叉。

九日

甫遂瞻雲到

帝鄉俄逢簪菊又重陽。山川似爲歸人好。歲月真如過客

忙落帽何人追。孟掾題糕有客憶。劉郎眼前風物行。
當醉不負平生是酒狂。

嫋嫋金風向客吹。醉餘獨立對斜暉。十年海國頻飄
梗。此日鄉園暫息機。秋水閒鷗同月泛。晴天孤鷺共
霞飛。自憐却老無仙術。擬向洪厓叩石扉。

秋日同王尚卿遊居士村釋迦寺

屈指前遊已廿年。佛堂鐘鼓尙依然。重摩古柏疑求
友。靜對寒花似悟禪。有客迷途今未覺。何人嘉遁昔

鏤冰詩鈔

朝天集

六

稱賢無言寂寞秋。原冷共倚斜陽聽暮蟬。

贈張顯威

談經憶昔結心知。爭負年華各少時。花下彈棋紅日
晚。竹間賭酒綠陰移。前踪恍惚渾如夢。後會蒼茫詎
有期。一曲吟成還自問。有誰能挽髻邊絲。

劉學博過訪

天涯倦羽尚翻飛。何意因緣叩竹扉。短髻蕭疎憐舊
雨。空亭寂寞玩秋暉。幽禽祇說甘棲谷。老馬從知懶

受機爲囑溪邊漁釣伴待余簑笠掃苔磯

寄雨蒼四表兄

恩深回憶淹留郭外村陰森松竹易黃昏一編漫向槐根
讀大被還從紙帳溫涼月詩敲隨杖履清罇酒勸任
兒孫天倫樂事輸君擅欲遠塵囂合閉門

已巳人日易州作

朝

天歸染

鏤冰詩鈔

朝天集

七

天御鑪香恰頌椒花獻歲觴半世漫嗟多逆旅十年忽幸
過家鄉舊遊邱壑空成戀宿債風塵未易償策馬孤
城明日別燕雲江樹兩蒼茫

上元道中

強年豈敢戀柴扉祿養

恩深答報微漏滴似爲催去馬月明常自照征衣信知世
事終爲幻敢諂名場竟屬非碌碌半生窺鬢雪空將
歸計負漁磯

王家庄曉發

單車匹馬去還遲。正是鶯花欲放時。細雨將零山早潤。和風乍拂柳潛知。依微遠樹疎還暗。荏苒長途望轉迷。爲過前溪試春水。却欣鷗鷺不吾疑。

曉行口號

雞聲何處起。喚客促行裝。近水浮村影。遙山駐月光。棲鴉依戍堞。殘夢繞家鄉。安得離塵鞅。閒身任卷藏。

鏤冰詩鈔

朝天集

鏤冰詩鈔

八

纔辭馬首解征鞍。又買輕舟試水寒。城市諠囂敲枕過。鷺鷗閒逸倚欄看。却愁歸夢迷芳草。莫羨雲程愧短翰。况是撩人春望遠。連天柳絮色漫漫。

舟中

春流蕩漾淨塵沙。望望扁舟去路賒。重買壚頭盈盎酒。細看驛舍傍簷花。黃鶯獨坐藏烟柳。白鷺紛飛映綺霞。鄉思晚來撩亂甚。故山明月照臆斜。

入江南界口占

